

## 2.2. Jednanski porjad 21. (wurjadneje) hłowneje zhromadźizny Domowiny

1. 21. (wurjadna) hłowna zhromadźizna přewjedže so na zakładze artikla 7 wotrězka 8 wustawkow Domowiny. Wona ma schwalić změnu wustawkow Domowiny. Namjety so wobšěrnje do hłowneje zhromadźizny diskutowachu. W tutym procesu měješe kóždy člon Domowiny składnosć, swoje namjety a pokiwy zapodać.
2. Džělowy prezidij hłowneje zhromadźizny zestaja so z prezidija zwjazkowego předsydstwa a jednaćelomaj Domowiny.
3. Wotběh hłowneje zhromadźizny moderěruje zastupowacy jednaćel Marcus Końcař w delnjoserbskej rěči.
4. Hłowna zhromadźizna je wobzamknjenjakmana, hdyž je wjace hač połojca nominowanych delegatow přitomna.
5. Hłosowanske prawo maja člonojo zwjazkowego předsydstwa kaž tež dalši delegaća z člonskich župow a nadregionalnych towarstwow/zwjazkow po wosebitym kluču (hlej wobzamknjenje zwjazkowego předsydstwa čisło 27 z dnja 28.01.2022).
6. Přistajeni zarjada Domowiny pod nawodom jednaćelki tworja org.-běrow 21. hłowneje zhromadźizny, kiž přitomosć registruje a wotběh zhromadźizny organizatorisce zaruči.
7. Hłowna zhromadźizna woli z kruha delegatow redakcisku komisiju. Wo zestawje komisije rozsudzi so w zjawnym wothłosowanju.
8. Přizjewjenja za diskusiju měli so pisomnje džělowemu prezidijej sposrědkować. Na diskusiji smědža so delegaća a prošeni hosćo kaž tež přistajeni Domowiny wobdžělić. Moderator zhromadźizny rjadowuje a připowědži slěd rěčnikow.
9. Rěčny čas za diskusijne přinoški wobmjezuje so na 5 mjeńšin.
10. Slowo k jednanskemu porjadowej, kotraž móže sej kóždy delegat ze zběhnjenjom wobeju rukow wužadać, přepoda so zwonka postajeneho slěda diskusijnych rěčnikow. Hdyž wupraji so žadanje abo namjet k wothłosowanju, smě jedyn dalši delegat rěčeć za to a jedyn přećiwo tomu. Potom so wothłosuje.
11. Wuwzačne namjety za přidatne wobzamknjenja chwatneho razu maja so na spočatku hłowneje zhromadźizny pisomnje pola džěloweho prezidija wotedać. Džělowy prezidij doporuči delegatam wašnje wobjednanja tajkich chwatnych próstwow. Wo tym so zjawnje wothłosuje. Namjety z wuskotkami na hospodarski plan Domowiny njehodža so bjez dočasneho pruwowanja ze stron financneho wotrjada Domowiny wobzamknyć. Hłowna zhromadźizna smě zwjazkowemu předsydstwu poňomóc dać, tajke pady we wothłosowanju ze zarjadom po hłownej zhromadźiznje rjadować.
12. Redakciska komisija zjima w swojej rozprawje wšitke pokiwy a namjety z diskusije a předpožiči delegatam namjety k wobzamknjenju. Namjety přednjese předsydku/předsydu redakciskeje komisije. Moderator da wo tym doskónčnje wothłosować.
13. Při wothłosowanjach je namjet přiwzaty, hdyž je wjetšina přitomnych delegatow za namjet hłosowała, dalokož njeje we wustawkach hinak postajene. Při samsnej ličbje hłosow za abo přećiwo namjetej, je namjet wotpokazany. Hłosawzdaća liča jako napřećiwne hłosy. Wustawki smě jenož Hłowna zhromadźizna Domowiny změnić. K tomu stej dvě třěćinje hłosow přitomnych delegatow trěbnej.
14. Wo jednanjach 21. hłowneje zhromadźizny zhotowi so wuslědkowy protokol, kotryž mataj předsyda a protokolant/ka podpisać. Jednanja so posłownje natoča a zynkonošaki składowa so w zarjedze Domowiny znajmjeńša hač do štyri tydženje po přichodnej hłownej zhromadźiznje.